

摘藻堂四庫全書薈要

集部

欽定四庫全書薈要卷一萬六千一百六十八集部

秋澗集卷十二

元 王惲 撰

五言長律

壽史開府

開府羣公表山河間氣鍾飛翻同儷景婉孌獨從龍慶
會千年運中原百戰功一門傳畫戟列聖錫彤弓霖雨
思賢久中朝注望隆詔居華衮地德邁古人風學並征
南癖心肩尚父忠翦鱸清碧海煉石補蒼穹脫畧三朝

儻從容萬石恭都俞明治體風俗變時雍薦達多名士
經綸極至公功成心轉小量廓孰非容柱石嘉謨壯朝
廷睿眷崇何心貪寵數圖報罄丹衷降典維公共羣疑
可適從欽承能致恤度作貴惟中漢紀三章約秋荼一
掃空與時弼五教致主冠三宗壽席恩光老梅梢蠟蒂
融翠梧雛鳳秀燕寢霧香濃毫彩知神相顏酡匪酒紅
武公強不息羅結懿而聰袖手調伊鼎刊名溢景鐘耆
英追洛會遐壽等喬松賤子何多幸凡金久在鎔寸誠

芹擬獻五福日來藪德潤餘燕桂簪纓滿漢宮一杯千
歲酒遐邇此心同

壽圖克坦顥軒

間氣無時歇先生嶽降申慶流椒室裔袖有鵬江春漢
苑稱多士青雲早致身縱橫蘇氏學英特賈生倫盛德
應如此文章固有神玉堂看步武滄海忽揚塵飄泊心
逾壯歸來道日新因懷盤谷隱怡悅太行雲歛命竹林
駕來陪楚醴賓詞源窮造化講席見經綸小子嗟何述

先生樂育諄顧非清廟器時辱郢人斤既佩雕鐫厚長
懷頌禱勤微誠方獻炙誕節遇茲辰酌以義泉水清泠
勝飲醇贈以湘纍菊馨香如友人水澄性不撓菊老氣
彌振道體同康謚窮途任屈伸年年華表底同拜白頭
親

送外弟韓茂卿北上

外弟韓從愿奉檄轉補尚書部掾自梁過衛留三日
而去臨行求言為訓因書是詩以贈

華省開新制尚書右六曹官嚴程有限吏職最為勞受
簡聯鳬行隨時覆契刀論量天下事承接眼中豪吾弟
方強仕頭顱未二毛荷囊初佩服公務久薰陶未害居
煩劇休辭任動搔一勤無不辦多慢豈難操所事先懷
慎當官貴可逃古人淹典制多暇戒遊遨簿領雖山積
身心樂戰鏖苦辛天不負聲實日能高况汝韓宗盛從
來衆士髦華纓彰綉弁象簡映青袍光祿何稠疊司空
見贈褒非儒即政務致力鈞溟鰲繼述無多闕公清善

更毫老夫雖潦倒聽汝鶴鳴皋

春夜宴史右相宅

勲閥汾陽業金貂漢相家陽春元有脚玉度瑩無瑕神
駿推宛馬跳梁笑井蛙相逢成夜集暢飲壓流霞綺席
圍聲妓銀箏合鳳琶晚粧添粉黛雜舞見渝巴闕暖融
螺甲盤香供露芽秀闕敲雨杖促節摻漁撾侑食增陽
盛紓懷發興賒舊聲今漸遠新體此無加樓轉三更月
燈垂半夜花歌長縈曲調師猛奮須牙辭謝寧容退留

連暫樂佳直須窮薄伎尤異是雄跼登踏寒冰泮軒呈
迂古了侍筵更紀僕歸燭黯籠紗下客陪簪玉清吟擁
鼻瓜嗣侯非自樂光業念無涯待士無踈密籌邊靜譟
譟有時陳樂籍張宴為賓嘉此夕真儀鳳明朝等散鴉
寵光需北闕春禴動南衙豈特調銀字重看拜白麻轉
頭雖契濶後話足雄誇碧草傷淹賦清江弔屈沙別懷
增惓惓獨雁謾啞啞霄漢嗟垂翼庭階愧倚葭情悠天
共遠心在地無遐會作登樓客聊停泛斗槎朱門三十

載未分鬢空華

送表弟韓雲卿赴臺

才幹稱吾弟名行邁友生烟霄須致力
蘭署久留情練事言無詎臨機敵莫勅
趨朝元有日去魯不無名榮映荷囊紫
聲嚴栢府清外司歆簡潔內憲惜紛更
輕重量時制銓除慮旦評責人無自恕
乘勢可將迎息擢非余出覲情怨自平
斯言當首議大體先居貞行已雖多轍
開心罄赤誠諒能持衆美不必論前程
自笑行藏拙潛

看歲月驚清時悲杜舍白壁愧虞卿遊宦幾三紀殘棋
任一枰鐘鳴宜少息時捩尚何營塵委慚芻狗歌長振
孺纓十年希豸觸一旦謾葵傾道在吾何慊憂深汝備
明見渠由爾達着眼在茲行聰作章徒奈行難累匪輕
南山與秋色依舊兩崢嶸

謁武惠魯公林墓

金馭成陰朽山東自古疆限田標鎮戍積憤致搶攘武
惠當年傑天心霸業匡雲龍時際會風虎日翺翔五十

連城重三千戰士良一朝歸版籍遺愛在耕桑甫定先
文治來威戒伐張儉恭希大帛號令肅秋霜氣革耰鋤
擾風還禮義鄉頌方歌魯盛人駢隕星鎧雲出青崖頂
烏瞻泰岱傍驅車經鵲里故宅似汾陽山倚祁連塚祠
荒綠野堂門旌虛將幄燕寢尚清香有客追疇昔懷人
動慨慷王師初破汴河朔久淪網文物隨雲散招徠不
一亡盡收周禮樂重闢漢科場清秩銓華省羣英萃郡
庠有金皆治器無玉不追章蓄德需明主流波及四方

星躔從落落奎彩獨煌煌
嗣相圖光紹先猷在並彰
雪山宜久重世業寢丕昌
帝道開中統皇風煽八荒
重推黃閣相輕是尚書郎
兩署分荷橐千官列雁行
至今稱濟濟所在見蹒蹒
原治無多術推賢用巨量
措材真得所收効儘非常
侯國能如此朝家化更皇
闡明雖實理勉勵乏明揚
一代徐通議中流號巨防
試圖援手助潛有跋胡妨
薄官新過魯諸生懼白牆
泮宮饒樂育師授柰無望
可惜絃歌地虛成笥在梁
力扶雖切切事迫去

遑遑量分功名薄傷時涕泗滂野烟知客恨先自栢城
蒼

靈巖寺二十六韻

中土論名刹茲山第一巖地靈連海岱境勝隔仙凡紺
殿通虛閣丹崖間翠嵐天低神寶嶺佛出證明龕雞警
陰魔暴僧馴怒虎耽定師興寺始黨刻不辭慙石狀殷
公恠眉龐老衲毳鐘聲盤絕壑幡影走枯枿法護雙櫪
樹經嚴七寶函巢棲松鶴赭茗淪露泉甘化雨濛沙界

巖圍抱碧潭布金仍趙魏仰食不耕蠶富覽山無盡幽
尋力不堪微官嗟縛律小隱欲投簪吟就籃輿住禪師
玉版叅靜緣天或假世味苦相諳城市蛙居坎功名蟻
戰酣有來求福利誰復減嗔貪風化吾儒在慈恩釋氏
覃教崇緣世主風靡過周南以此山林勝皆為佛老探
茲遊聊適意他日儘橫談翠琰詩如此清吟口詎緘顧
瞻因咄咄前後至三三山主留昏宿征程畏峻碧夕陽
人影澹猶惜動歸驂

壽郡侯

瀚海流餘慶金天間氣昌風姿先相肖節概更鷹揚
衛郡民何幸君侯德最良幾年承此治一日意曾遑
仕臚學彌勵身修志自強民情諳漸熟卮酒不聞香
順事蠲苛撓持難懾暴狂親賢咨政體捐俸起公堂
舉意從人便何心恃已長行春忘逸獵發語見周防
門靜無私謁弦調戒急張早衙長待旦退食到斜陽
奉上惟知謹當機每克莊清廉安本分孝悌出天常
聽訟從輸臆安羣

順牧羊行方端比矢處當斷如鋼誕席闌微獻歌詩代
頌章自憐鮐背叟長對德星光却恐流雲駿終峨豸角
霜所期松柏壽喬嶽共蒼蒼

贈周曲山

官滿周南樂城居漢德翁酒杯隨老減詩句自窮工甕
料黃蘗剝瓶儲白粲空畫叉錢幾塊人事日相攻昨暮
招添壽令辰云弔凶新除雖有望舊債積來重咄咄時
書怪悠悠任轉蓬伸眉無寸樂接物儘多容憔悴鱗遺

野昂歲鶴在籠固知吾道在未免此心忡夕講詩書共
朝遊杖履同暗消秋濶鄙卓有苦齊風一覺平明睡三
竿曉日紅計資徵餉價分口訓村童縣邑多遺愛文章
不濟窮曲肱而飲水樂亦在其中

夢入閩清府

己丑秋九月二日五夜夢閩府來迓品節儀物之盛
有不可殫紀者既覺即其意賦此

夢入閩清府郊迎罄海圻初從亭傳發迓自憲司歸萬

目瞻新使中天仰國威
康衢回曲曲香霧霽霏霏
罩傘雲垂蓋行歌錦作幃
申嚴森赤棒緩進佇朱衣
鼓吹連天動旌旄映日微
高乘三丈轎前導一雙駝
花覆朝袍紫沉薰象簡緋
散班行有叙侍直見來稀
覆地裊如織蒙山綉若絺
籠官衫赤褐花帽翠蕤
歲天遠綸恩重霜清豸角
巍繁華驚極盛心事豈輕
肥白壁防汚玷黃金惜帶
圍六條申漢制八郡歛炎
輝庶政惟蠲嬈流風可漸
徽氣和樓吐蜃官肅浦還
璣後擁才中道前呵近憲

扉一聲雞唱白推枕蝶分飛塵世真如夢蓬累未覺非
日高詩已就清思尚依依

送李郎中德昌北還情見乎辭

一自清河別經今已十年為尋江表傳重會嶺南天鴻
鵠乘風健驂驢得路先雞香分省署襟誼動星躔灑落
平生契留連祖送筵自嗟衰病客愁卧瘴江烟歲月隣
期耄鄉闕近五千依依枝遶鵲跼跼水飛鳶外望何其
切中堅未易鑄崇高疇弗戀筋力若為前落日鄉音杳

秋空望眼穿委心歌已矣適意俟終焉行止雖存數周
旋正賴賢省臺公道在萬一故人憐

謁光武廟

奉詔趨龍朔驅車過鄩南壇傾餘里陌廟古老松杉建
武重明後中原百戰酣同翻思儷景懷古暫停驂像儼
雲臺畫炎開漢燼燁道深柔作理亂自武能戡於穆吾
皇聖英明世祖參有賢勞夢想無物不春涵賤子嗟前
進殘年謾一堪材疎徒意廣學古不時諳杖策非高密

扶真愧耿弇乞靈期睿眷登對協時談景已桑榆晚恩
非雨露貪所思吾道重少負此生慙補報功微效歸休
老亦甘冷飈知客意吹鬢御鑪馥

和幹臣食粽有感詩韻

傑句欣三復情辭浹且黏君吟元在北我詠實維南粽
品雖云衆名勞不自嫌懷沙悲楚屈設祭入湘潭一昨
聞辰告周防致思嚴裹纒需彩縷竊食遠腥鮎節屆朱
明近家同玉版叅飮盤犀偃角帶籜笋遺尖製變菰筒

質香浮九子纖長腰烹得所木密助餘甜老復防留膩
多餐不過三縛從堂上解爽覺箸頭添應候然微物因
騷有細談貞賢餐愈潔讒佞對宜慚我本舖糟客何心
論滯淹

番禺杖

異種來番國知名自老坡杖才任操倚節目喜摩挲尺
度天然足柑黃氣自和奇姿含海霧孤植映江沱物眇
離鄉貴材稀審實訛聲音鑑爪甲鱗介訝鮫鼉鞭馭真

雷策批亢格魯戈重輕欣得所長短稱閑拖扶老携行
便持危得力多金蛇僵自勁鮐背痒忘苛不自浮槎使
來從老伏波見歸情鄭重未許老婆婆入手嗟神物傳
看駭玉柯支頤看月出橫膝伴詩哦選勝尋泉石窮幽
入薜蘿有時兒女觸却恐鬼神呵蓋節空筇竹神鋒黯
大阿笑揮堪解虎靜倚可降魔靈壽輕無賴梅條皴可
接花藤昏玳暈斑點慘湘娥桃竹那能比枕榔未足歌
望塵甘却立歛迹摠無過用舍時當審敲撞責果何更

防雷雨夜衝屋學陶梭

秋月篇壽幹臣周宰取杜默為李文定公迪詩

例

五任稱賢宰平頭數七旬分輝郎宿烟鍾秀曲山春懷
寶須時用騰蛟自蠖伸所期千室富匪為一家貧文彩
唐儒雅規模漢吏循乃游無節錯佩服藹蘭紉訟簡緣
情得民安為賦均處膏希孔潔宣化見恭仁今歲逢初
度賓筵聽具陳分安貧愈厲詩健老能神報政長書取

居閑任翫塵從容黃卷樂浩蕩白鷗馴大器成應晚烟
霄漸可隣既淹千里足終遇九方歎况復崇公道明揚
到逸民新除行有日舊政說難倫湛露金莖濕清樽雪
蟻新郎吟秋月句來醉白綸巾再拜添眉壽無勞頌大
椿願同蟾窟桂千歲鬱輪囷

送趙都司秉彝赴遼東省幕

世味無餘雋郡居底事爭疾徐誰長者紵拉到諸兄吾
子方強仕襟期最老成喧聞烏亂集歛聽鳳孤鳴行已

謙而讓持心厚且誠相看情款洽有問對詳明再世儒
冠素三年秘閣榮以除遴所選論省諒非輕營帳稱強
翰天威想濯征海澄鯨已戮地曠物多萌望重官儀肅
民安吏務清濟時紛筆議展用幾書生抱志能茲念流
勞在此行秩卑猶吏屬祿足代躬耕曉日灤江渡秋風
鶴野城蒼茫連渤海控帶本榮平綠水開蓮幕青山送
去程官遊真衣錦別思任懸旌有道開先世孤標振直
聲遼陽回首處未用愴離情

送忠翁南歸

元真乙未春翰長忠翁年七十七致仕南歸行有日
平章侯同諸僚窠祖道於遂初亭館予亦忝陪席次
明日賦律詩二十四韻非敢以為詩庶幾表吾皇元榮
儒重道跨越前人府相瞻懷始終盡禮張大續鹿庵
之貺詠歌見楊尹之榮豈惟上國之光華永作翰林
之故事其詞曰

供帳都門讌非緣歲例過

左相城南別墅每歲春例一讌諸公時清連日

勝簪盍半臺坡酒美凌金谷歌酣掩艷娥盛於清洛襍

用裴晉公上巳同
劉白泛舟洛水

奈此別筵何愛客終青顧傷離賦綠

波散花簪席帽泥飲捲鸚螺人世真浮梗年光易擲梭
瑣軒涼吹急綺席落花多散粉霑裊綉吹香入袖羅暫
留春色住莫戀去程蹉峻秩慚同列醺容慘弗酤新亭
收老淚官舸送長河聖代吾儒重詞林寵數頗諾從丞
相允義見柏闕
番祖餞賢疏傳衣冠似永和生還梁庾
信贐重魯鄒軻盛事傳千古儒流聳四科丹青前日畫

嘆息路人歌有客孤吟悄臨風兩鬢皤圖南鵬運海遶
樹鵲依柯早晚同長往徜徉隱澗阿此懷從落寞起舞
且婆娑道在無南北

朝家立賢無方果
才何間南冠北士

材非謾琢磨醉

歸扶路晚里巷認鳴珂

賦手植檜酒鍾

千載東家檜榮枯與道俱鐸沉金絕響鳳去洛遺雛元
氣蟠根抵斯文見盛汚器圓傷失制稜削嘆非孤梁棟
無隆用杯盤伴飲徒泛香宜盍齊奠獻媿龍觚沾漑餘

周魯淵源挹泗洙雅同吳壽鼎高亞博山鑪刺口論三代高歌共一壺或延中聖客或約醉經儒閔古因懷昔相看醉捋鬚蒼烟空左鈕偃盖凜相扶歸詠絲堂樂樞衣闕里趨回思鍾鼎事一笑付桑榆

哀曹府君詞

維至元乙亥夏四月癸卯前行尚書省左右司郎中曹君卒於鄉里後九日聞訃適有令開廩拯隰予特請行將致一哀既而不果逮十四夜見君於夢邀予

坐故第前楹洗滌供具促膝晤言話其平生甚悉夢
中相對為歎歎也覺而賦此聊伸白馬素車之願二
十日辛酉命州屬吏路材代予往奠俾火其詩於栢
原以告君墓魂而有靈尚克昭鑒嗚呼哀哉君諱松
年字壽之享年七十有五世為隰州隰川人

聞訃纔三日衣冠夢兩楹消除開故室拂鬱話平生息
弱哀無托才清老有聲撫懷思攬轡將事過持盈細札

紛遺簡

謂二月有書
寄予故云

山煙慘樹旌素車空佇望樞馬想

悲鳴懷舊星臨曙傷貧淚滿纓紫川西邁意端欲為君行

送趙克敬判定武

趙子公侯裔雍容館閣才美除官定武增秩自邢臺喜
溢家人敬春融處士懷沼蓮香幕府衙鼓響廳階雲靜
靈光塔風清雪浪齋敢辭推按劇那憚簿書埋任貴騰
聲譽隨時免謗猜不教民事緩肯失上官諧人樂家餘
袴官清甌任埃鼎祥新有說世系舊為裁華胄淵流遠

慈親壽域開向來餘藻飾此去要培栽惜別輕三載離
筵重一杯君看忠獻業超擢此中來

紅藥當堦翻

紫殿春光晚芳叢夏景暄綠萱垂地合紅藥當堦翻粉
帶金腰束嬈旗絳艷繡涼飈飄碧砌清影動朱軒白傳
吟何婉元暉思不凡顧瞻栖鳳地折贈詎容言

朱干玉戚詩

至元二十五年戊子秋八月五日夢先師泌陽府

君命賦此題寤寐中得成韻語者數句既覺因足成之

禮制詳三代軍容備百王錫千朱作飾戚秘玉為章持總如山立張皇見武揚遠伸三令肅近作一身防商翦

歌周雅時清頌漢昌格苗先此用萬古仰虞皇

以謂帝舜敷文

舞千全不尚武致苗頑自格後世以征伐有天下然後象干戈備樂武以章其成功此後王之德不及也

五言律詩

何叅政母夫人哀辭

友義當匍匐無從涕泗漣升堂原有約臨奠不容愆念
子初何冀嗟予重惘然會須陳漬酒孤酌廣平阡

享福年幾百升堂拜慶三丰容宜象服陰教動周南子
孝終身慕家貧極旨甘并將風樹感彤史後來譚

德邁魚軒貴恩涵鳳沼春遽遺彤管美淒斷素車塵在
母稱賢範康時產異人故家桃李月何止詠蓁蓁

仲和張君孝友純至來求詩因賦此以贈

落拓滄江客康寧白髮親宦游非不達純孝與為隣養

志曾參事遺羹考叔仁汴都三萬戶和氣一家春

致樂如君少長歸便母安物生皆有養色順最為難夏
清簾幃暑冬溫枕被寒慈顏何所喻庭柰見來丹

題常仁卿運使西覲紀行

九萬鵬搏翼孤忠駕使軺功名元有數風雪不知遙抵
北踰鰲極維南望斗杓胡生搖健筆且莫詫東遼

出五代史

突厥同錄同州邵陽
縣令胡嶠亡歸中國

三策條民便逾年致節旄夢驚羊胛日嶮歷幻人刀碧

盤昆堅黑黃金甲第高白頭書卷裏留滯敢辭勞

太平宴二首

海寓初無外王師信有征
東旄麾戰旅漏網得奔鯨
清書來三捷歡謠沸百城
從今田舍客白首樂昇平

西北烽煙靜東南海寇清
太平元有象帝闕見餘禎
愾

敵無多殺推恩屢減輕
公堂歌舞處闕氣正凝平

冬日即事

闕
飢火衰榮笑物情
百年能幾日半世太勞生
白

首耽書苦黃金過眼輕有懷如此癖何往不艱貞

過萬泉縣今廢

縣倚孤山碧崗圍落照紅一丘歸慘淡千室想豐融絕
澗縈樵徑懸崖半土空物華耕壤狹寧得不唐風

哭友親完顏仲希墓

宿草西河客隆顱塞外春死留朋義重生與醉鄉隣天
老株林雨魂香蟻穴塵我來還獨酌黃葉鳥聲頻

挽吳衡甫

浩蕩江湖士來從隱逸居醉吟忘楚越箋學到蟲魚拊
髀驚凶訃霑巾覩故書慨然西望斷山色照空廬

壽王子初

近世佳公子詩書看起家處身何不可致養畧無加仁
厚歌麟趾文章粲劍華一尊添壽酒猶及泛黃花

秋夜月下獨酌時回自燕都

堂虛生夜白院靜散蟲聲月下一杯酒胸中無限清艱
難吾道事冷暖故人情為報南枝鵲安棲不復驚

治穢

聖戒防微漸常懷
蔓莫圖菊荒疏
笨尊竹密斬繁蕪
舉目晴山近當軒
恠石孤放教入夜
月清影滿庭隅

贈彥政副使

一世佳公子氣涵
渾水春衣冠逾遠
澤麴蘖豈謀身白
壁詩名重青燈客
舍新不妨宛馬足
暫屈到河神

清明日南寺對雨

寒食無家客禪房
喜雨餘坐深僧話
永心遠世緣疎厭

捲柳瓢醪來參貝葉書傍人從不悟有待曳長裾

酒燼尋春曉茶甌破睡餘庭虛花寂寂雲淡雨踈踈有

待存終始無心望簡書何當玉堂客脫此馬

闕

秋夜

卧榻鋪筠簟風簷透晚涼雲枯涵旱氣星爛射寒芒鐘
鼓寒更永乾坤夜色蒼時危關百慮低首拊空床

出門

因酒敗佳意方知百拜輕忘機甘李喻重賦赤霄行踈

拙傷吾性傾危見俗情出門山氣好秋色浪崢嶸

挽真定史二相君

凭鳳攀龍起貂蟬奕世侯九天資岳牧一夢忽山丘解
佩延陵劍驂停魯相輶八州遺愛在潯水日東流

挽武安道

故失邯鄲步憂分陋巷簞持身心已亂得病衆知難夜
月琴絲暗秋風旅殯寒人生罹此極命矣復何嘆

壽雷彥政

南渡衣冠後如君不數人氣涵渾水秀色映塞垣春靈
沼儀周鳳商郊獲魯麟壽杯傾菊露同拜倚門親
去歲龍沙月流光共薊門寒華驚晚節客舍壽明樽取
友襟期在傳家道脉存今年秋色好笑語北堂溫

白松

霍岳祠南寺奇松勝所聞孤根生得地衆木迴難羣霜
雪封琪樹丹青變錦紋山靈應見惜時與護晴雲

遣興

斜日秋瓜圃雲閒雨過初平疇交晚吹涼意滿輕裾草
木浮元氣河山擁草廬拊心欣有得重展故人書

田間

雲帶山籬薄溪橫舍屋斜卷懷忘仕版作苦事田家疎
散藏吾拙數榮眷物華晚涼沙岼靜植杖自耘瓜
漠漠西山雨東來意甚徐潤深滋厚壤灑密下平蕪巢
燕歸飛急林鳩得雨呼有金堆積斗能攄曠乾無

周幹臣詩韻

和

近得閑中趣都無俗物侵風霜驚老鬢道德負初心枕
倦書橫膝庭虛樹有陰殷勤周吏隱時遣道清音

和秋漲二首

泉峪從共會奔流到衛雄新詩來幕下歸興滿舟中

取少

陵胡為只合例

怒捲濤山北雄吞海若東我思泛舟役

闕泛舟之

役

輕惜幾千功

謂太宮之順流而下

雨後聞溪漲先聲噴薄來氣嚴千騎駛波急萬窠回終
古朝宗去神功念禹開寄言歸義子款塞莫遲徊

題有趙義士三侯祠

雙塚連遺廟風雲擁義壇難興忠可壯事集死尤難烈
日丹衷皎青山白骨寒一杯來酌祭用激懦夫肝

禱雨孚惠靈祠

夜半清源道來伸禱雨誠墳園形覆金泉邃碧為泓霸
業開三晉風烟暗九京一杯臨水坐便欲濯塵纓

慶王丈子壽八秩之壽

遺愛汾西政耆英故里居期頤八十壽精健五旬餘捨

策春流憇龕燈夜注書更怜溫清際蘭玉滿庭除

奉酌胡紹開外郎

畫省胡貲外都城憶昔遊分携無半載渴仰若三秋已
辦催科拙寧煩任智憂何當償宿願相望兩山州

星子鎮道中

北下星關道川開百里寬夢殘傾錦帟吟細緩征鞍土
峽深回洞山田壘醺壇一杯亭傳酒來為敵霜寒

題栢壁鎮

峽古疑天設，營空故壘存。
捐金行楚間，力戰決齊吞。
馬足沾霜健，山烟漲日昏。
治安誰有策，一笑出關門。

夷齊墓

遠避東鄰塵，還遮北伐平。
與天重立極，叩馬死成仁。
落日悲歌壯，東風紫蕨春。
一飢雖可療，終媿是商臣。

舜井

廣孝銘遺井，千秋仰有虞。
側微多在困，捐蓋失之誣。
喬木非三代，雲烟接兩都。
依依風樹感，不待露霜濡。

河中

歷按河東道蒲津勢最雄河山全晉鄙土俗半秦風野
日連虛壘孤烟認佛宮論功無汗馬極口說先公

登歷山聖人嶺

形勢開三面臨觀醉魄醒松悲虞泣涕石老象頑冥澗
水縈瓜蔓荒山卧虎形野人無所解尊禮九真靈

跋運使張君會琴圖


雪徑尋無路東林素有期琴絲凍欲折風袖曉還披偉

觀疑韓愈幽林付穎師無由陪杖屨只悟畫中詩

秋澗集卷十二

謹按卷十二第二頁前三行圖克坦舊作徒單今改後倣
此





總校官進士臣胡榮

校對官學正臣卜維吉

謄錄監生臣金特

謄錄監生臣戴璵

欽定四庫全書薈要

集部

秋澗集卷十三

四

臣董誥詳校
詳校官助教臣謝登雋



欽定四庫全書薈要卷一萬六千一百六十九

集部

秋澗集卷十三

元 王惲 撰

五言律詩

哀尚書高公詞

維至元十一年甲戌十月壬子故吏禮部尚書高公

以疾薨於位嗚呼哀哉明年乙亥夏四月丁巳考工使者蔡鉉自相抵晉始知公靈櫬歸葬安陽秋口鄉臨穴者幾萬人僚屬士友會哭皆失聲惲辱知最厚

嘆斯民之無祿痛知己之難遇自非歌詞無以寓餘
哀而露情臆也乃作挽詩三篇表於素旂之末尚冀
神靈鑒茲哀悃其詩曰

翰學期公淺謨猷冠一時立朝稱極諫連茹愧深知斗
石承天眷風神夢羽儀北揮千字誄悲絕七哀詩

一作思公

情曷已漳
水日東馳

風調翔麟士文章太史辭行身無少玷持論有餘師落
日孤忠壯秋風兩鬢絲幾行知己淚東望重淋漓

聞望羣公表枝撐大厦材印窠空瑞錦風憲黯蘭臺反
拭驚麟出云亡動國哀千年遼海鶴華表倘歸來

枝撐一作

扶持

送成耀卿尹

邑古仍卿采民屎待尹蘇千年留故事一治聽歌襦鼎
鴈調應切山川慘未濡莫辭淹兩考留潤溉焦枯

奉題趙侯禹卿東臯林亭

雅性便林壑紛華厭市城庭柯交美蔭好鳥變新聲喜

見桑麻長誰知寵辱驚門前輪鞅滿一醉共秋成

物長同天壤流年遽代更高臺方畏景喬木已秋登默
熟盛衰理多忘悔吝情只須都釀酒時與故人傾

今年秋穫早臺迥暮登時野徑人歸絕烟林鳥去遲不
來飛蓋客日課讀書兒適意有如此此外安所期

築臺連野色架木繫瓠瓜舍外開三徑壺中自一家愛
吟歌白紵灑酒脫烏紗更喜南牕下秋風菊半華

野迥門開早心閑起自慵林香筍社甕山暝倚吟筇半

醉留佳客深耕愛老農晚眠誰復覺牆外月明春
趙侯敬愛客每云相見稀不辭高會數但恐賞心違白
酒夜來熟黃花香正菲賓僚多暇日無惜局柴扉

重謁樓桑昭烈帝廟

百里燕南道山河統帝宮荒村仍故里喬木幾秋風簡
策經綸在丹青戶牖空寥寥千載下無愧孔明公

固安道中

十月燕南道提封入按巡青霜嚴比雪枯樹老於人尚

遠經綸妙須勞撫字頻前林烏鵲盛喧集戀餘春

除蝗

千杖呼聲急人懷愾敵看日長旗尾困圍促鼓聲乾人
與蝗交戰天將雨助殘東林茅屋底客枕夜來安

秋日過濟衆僧舍

院靜鐘鳴後僧閑暑退初過門無俗客閱古得名書衲
潤香留几心清月印疏仲殊襟爽在開口見真如

送紫陽歸柳塘

千古文章事江湖不廢流苦心分正閨書法繼春秋夢
繞秦山遠天教闕里遊會將沫泗教行復丐西周

午憩陽城北龍泉寺

倦客鞭催急龍泉一解鞍在家貧亦好行路古來難寺

古松杉老山空水石寒萬松亭廢久重拂短碑看

碑大
定間

刺史楊庭秀
撰真奇作也

簡寄龐雲卿

軹井千年邑提封百里侯剖繁人有賴治簡事彌優白

鳥翻林表青山滿樹頭訟堂歸去早總是釣詩鈎

九日夜燈下即事

五十又加三行藏默自諳去年留薊北今歲客漳南官
事何容了君恩未報慚白頭青鏡裏衰謝百無堪

詠史開府宅鶴

迢遙華表客吹落故侯家孤潔真仙驥飛鳴稱彩霞困
眠依竹石飢啄半蟲沙會待秋風舉巢雲養頂砂

清苑道中

野店春風裏行人避綉衣劍華寒有暈山日慘無輝孤
隼梢雲下羣鴉結陣飛驚鷗無遠泛事外本忘機

又作
澄清

吾有志天
意肯從違

至元十七年正月十三日已刻出完州抵暮入
保定夜未分雪大作至翼日午刻方止偶得
此詩預喜歲事之有成也

曲逆連清苑相忘兩舍中朝驅塵沒馬夕捲雪填空已
滌崇隆盡仍歌歲事豐小紅燈影底一笑覺春融

一作
誰云

吾分薄所
向得災凶

答彘州天寧寺英老

灑落天寧老携尊復袖詩逢場閑作戲來謁老監司白

頂憐香土清吟說阿師一盃供客笑聊用當門槌

一作枉教

頭腦異初
下問天癸

座中偶得示舜舉舊遊仲賢良醫

半載東州客崎嶇笑自淹事隨時即改老與病相兼發
伏遺奸拊搯帷愧具瞻君恩如許報白髮且休添

龍門寺

寺古僧何在，山空石作門。
碧崖懸瀑影，蒼峽掩朝暉。
不惜山公屐，重登謝傅墩。
一杯須軟脚，掃葉煖清尊。

辭長樂先壠二首

己丑歲秋九月二十六日，將赴任福唐，拜辭長樂先壠，歸宿野竹趙氏田舍，且喜聞村之故名，因有是作。

別遠辭先壠，歸遲宿近庄。
客牕疑夜煖，野雨變晨涼。
游宦嗟吾老，窮居仰歲穰。
故鄉猶足樂，誰遣去殊方。



展墓過農里銜恩使遠方氣隨天北轉人與雁南翔肝
膽孤忠在江湖去路長此回當自信不必泥行藏

飲食

飲食資吾耄行年六十過三升元有料一口不容多過
爽心隨滯長噓氣便和不須移遠步聖藥有東坡

辭先壠後臨行作

義重煙嵐薄人微使節光桑榆雖晚景事業見炎方回
轡知非遠趣裝苦未涼交親留少住馬足健秋霜

望舍弟消息

憶弟居穰縣嗟予宦建陽三書曾未報一別謾相望喜
信占晨鵲清吟夢夜床殘年能幾許長與汝參商

後會期初夏遐征動暮秋方吟書渺渺兩地思悠悠問
竹過門巷看雲倚郡樓南遊曾有話會上汙陽舟

居守縈家累懷歸畏簡書人憐英蕩重我覺宦情踈緩
進需安信頻呼斫素魚後溪溪上月北望想躊躇

送趙克敬任孟州同知

趙穆從英妙詩書性所安向為太史屬今作孟津官事
辦時為切民恬政貴寬老夫江海去州縣莫辭難

蕭相國廟

下粟東南陸都城井邑空圖書秦府夢簫鼓漢家宮喬
木秋烟慘頽垣野燒紅數鄉供野祭歲歲不期同

火獵

綠竹連亘遠蒼烟散野昏兩傍羅草伴一火趁羣奔從
手遮麋鹿張弓得艾豚縱觀思獵較積柴散燒痕

汴堤道中

細竹沿堤綠秋烟蔽野蒼
路荒經柳子山遠指芒碭
勉進心還尼懷歸事詎量
縱今空往返猶得看維揚

十一月十三日宿濉寧夢總帥史子明見教

矯矯常山帥相望間楚齊
夢中親與誨身外別無提
切囑心何朗臨辭手重携
何時揮老淚墓額拜征西

次宿遷望紫山不至

河廣舟航小堤長市屋卑
宿宿遷元隔楚淮甸舊連
邳濁

浪隨清變香梗問客炊紫山前有約抵事北來遲

淮安州

平野淮園甸雙城入楚州喉襟開重地鼓角動邊樓聞

雁思鄉信歌魚換劍鏃此行安所遇江海任浮鷗

是夜驛亭

無抵待故有歌魚之句

寶應道中

共說淮南冷今冬氣陡增雲垂梅野雪風結漕渠冰事
弊尋常密吾衰用不能據鞍時自笑休苦直如繩

出寶應雪中舟行

避冷乘官舸風篷去若奔
兩陂雲影黑一片雪花繁
景與詩相會寒無酒可溫
泥橋投宿處寒日暮鴉昏

高郵道中二首

築甬餘三百灣環護漕溝
重橋穿寶應一岸入高郵
水陸開亭轉烽烟靜塞愁
腰纏無十萬官遣上揚州

湖浸通淮水孟城隱楚防
百年勞士卒一擲失金湯
陸走無關禁舟行半海商
此邦多秀彥國士說秦郎

召伯埭

謝傳留遺愛千年尚不忘埭名同召伯郡號屬維揚烟

火令中土干戈舊戰場離離平野樹人指是甘棠

一作新橋

穿市過十里藕花香

揚州

淮海維揚域金湯勢尚存車書歸一混鯨鰐失孤吞樓
鎖行雲夢岡環洗玉盆治安君有策長嘯出東門

衢州

我歷江南郡凋殘不似衢兩坡稱鬧市一炬變荒蕪反
側誰無識瘡痍意未蘇殷勤陳別駕不厭拊循劬

早發三衢驛開闕放曉裝江風吹帽側山月照衣蒼馬

渡浮航水雞號野店霜爛柯聞有局無分躡仙梁

州南三十

里有天然石梁長約
十丈謂之爛柯仙界

玉山道中

石徑行無盡清溪送馬蹄啾啾啼野鳥擦擦喚多泥松
柏增晨黑川斜入望迷比明三十里已過玉山西

常山道中晚行

土蹬盤黃嶺人家住碧峰
焚林人逐戰競渡木為龍水
獲無過夏山行不識冬斜陽
留絕景不放晚烟烘

信州道中

控帶谿山險襟喉福建門
吳音饒駛舌越鼓聳邊屯
峴闊浮航小城卑夕靄昏
不煩詢土俗烟嶺互相吞

石溪道中

赤嶺鉛山界清溪野店橋
株林烟漠漠沙路雨瀟瀟
馬

慣行安險禽幽語弄嬌西山晴更好詩思苦相撩

鵝湖寺己丑冬仲望日雨中過此坐間為主僧

希聲留題

湖頂開鵝沼川形偃法船寺留金粟影僧結草鞋禪地

勝多珍木山空響夜泉寺僧談遠跡張本永真年

唐順宗年

號

閩中

錦綉無諸國曾經漢武荒祝融開火宅颺母擅風囊淵

萃逋逃數人依虎兕鄉閩中不識雪可有豸冠霜

閩清湯池留題

熙寧十年八月赴福唐元豐元年九月被召還朝往
返皆經此十五日南豐曾鞏題僕以大元至元廿六
年己丑秋按部來閩與令裔孫冲子同事明年秋以
理去官與先生往還時月畧同曠世相符有似非偶
然者摩挲蘇刻留詩而去重九前四日小子憚序

潦倒嗟吾老淹留近歲終客星回海上桂棹發閩中遠

宦無遺累歸帆得順風
湯池看蘚刻往返似南豐

建寧北苑

北苑繁華歇名猶博望尊
野花疑靨珥徑草半蘭蓀
軒縣歌鐘暗宮樓峻地存
我來凝眺久喬木晚烟昏

望嶺

谿嶺無千里崎嶇半月間
事機須勇退天意許生還
順處從多厄超時免強顏
越禽忻我往長路語闕闕

鵝湖道中

細路山園靜烟蘿野寺濃俯躬升峻嶺仰面看喬松道
在從時背才踈防性慵有身官不屬一任老龍鍾

是日得臺

報故
云

題何山寶嚴寺壁

同遊者山長趙文龍前教授徐夢龍執友教官余性

道

二人皆廣信人
徐友文筆最健

府推官保定張式儀卿別駕東平

陳珪國寶子公孺侍行至元庚寅冬十月望日秋澗

老人題

龜阜西南麓名山世少雙爛柯仙有局絕觀石為碁事
去空遺史風恬愛此邦來遊情眷眷留咏寄僧牕
喜得陳張友來遊興不孤江山開恠供風月悶清都閱
世驚棋局看題倒酒壺暮歸應捆載只欠畫為圖

首夏家居即事

懶幘從鬢鬢披衣任曳裾多忘身外事貪讀意中書比
老心能爾雖貧樂有餘繞園欣細履樹影綠扶疎

竹茂資泉潤花榮藉圃沙簾鉤來舞燕鎖樹護栖鴉客

至留酤酒吟長待煮茶幾時容却掃一向似仙家

方竹杖

節勁嫵圓甚形方與衆殊任從炎漢斷不變魯人觚心

曠譙中守姿堅

闕

外扶蜀筇非我友豎簡是吾徒

枯燈花

步入東瀛丈吟看北檻花春風收翠葉烈日發炎葩一
氣元無間孤根乃爾差鄭箋初不及党咏只空誇

送杜僉事之任江西

憶在齊州日同聯憲府鑣郡居推健美孤繫更迢遙此
去雖殊域規為祗舊條將身能道護所至儘風標

和幹臣重九日雨中醉歸韻

高會有成約寧為一雨妨烹雞酌白酒煮芋嗅秋香落
帽同嘉興霑寒等陞郎醉歸從健到耶復少年狂

今歲登高節佳招兩有妨閉門時隱几掃地靜焚香安
得黃金耐同傾白首郎醉鄉多樂事何祗發詩狂

事一作地

舍弟仲畧題孫韃郎名字說後

訓汝諄諄意奇文見迺翁洞堅威可大栖鵠體須中既
應開先兆當知矯揉功遠期遺近效羽夾看摩空

贈藥子英詩

子英外郎孝廉士也十年前予與共事於沙麓者凡
兩月今歲秋將命過衡踵門來謁話間因及親喪事
予以伏臘一氣遇之者固然其歿而不壞及膚髮猶
生如藥弋二親者蓋亦罕見豈迺翁與媼生有所積
而歿有以孝心之所感者然邪乞言顯親書此為贈

其辭曰

孝感元多異藥翁見化形初終神不昧將祔面猶生盡
謝青蠅吊堪書翠琰銘百年風樹底腸斷蓼莪情

贈岳鍊師仲和

今年八十四健勝去年時豈假還丹力沉潛繕性辭骨
清儀野鶴神爽見毫眉更有虛明處物來多預知

月桂

花名誰品藻歲與月華新不屬孤根細能留四季春子

深丹竈術葉映碧苔裊我近雕欄側終朝倚杖頻

賦白鵑

羽族幽閑品霜毛縷黑章聳冠矜耿介

蓋因栖止不雜于衆禽也

顧

影惜飛翔去備虞人貢行觀上國光刷毛琪樹底無夢

海山蒼

京華舊俗歲終廿四日諸神上界夜家人設祭

遣奠致詞且有過過揚善之囑遂作小詩庶

見風物

五祀開三代人間閱歲華交更同選調遣奠具飴茶天
閑神驂馭燈青喜結花逢新如有問萬一善相誇

和曲山冬夜即事韻二首

清苦周南樂居官素有聲
老天抑汝困公道欲誰明
瓶罄憐三白衾寒盼五更
捋鬚儔賞識吟苦撚霜莖
雪夜清無寐瓶笙細有聲
茶鐺吟待熟虛室白生明
白髮催人老青陽迫歲更
湛思盤露重何意望修莖

春酌舍弟仲畧見寄之什

隔闊三年別回還萬里程細吟違遠句深見友于情路
渺霜風勁吾衰體履平家貧渠亦老一動不為輕

挽宋耀州漢臣二首

每有遊秦士慙慙問宋侯相望無兩紀一別便千秋斗
酒新豐客堂封渭水丘題詩何限恨老淚不成流
斗酒新豐客龍門接上遊相望纔兩紀一夢便千秋銘
德辭無愧親民政最優兩行知已淚撫卷為君流

辛卯歲十二月望日大雪連明信宿開霽日色

暄妍如春乾坤清淑之氣肅肅可挹數年來
未之見也作小詩以紀

我覺今冬氣全闕燠理權一寒嚴往歲三白見豐年地
掩浮陽靜天開麗景妍不應薪米價愁計畫又錢

五加皮酒

服食閩中士加皮說異常精華含五氣補益最多方不
羨黃金載長澆白玉觴豈惟除濕痺志意日安強

題杜氏六子名後

六子名三老餘芳見故家
翰音鳴彩鳳翠茁映蘭芽
出拜濟南日今看漳水涯
一謙能事畢題咏復何加

燭花詩李真人索賦

燦燦銀臺燭清光散彩霞
誰分壺內景來種火中花
一轉芝垂蓋孤芳蕙茁芽
殘年如喜合世事任無涯

火鑪

兩手寒來瘥摩挲負汝溫
形骸雖土物氣勢炙權門
燕玉休誇暖湯婆可比尊
心兵全不起留在谷神存

題甘河遇仙詩卷

恍惚甘河遇生龜脫殼時二仙形姓字一酌悟天彝入
道茲玄竅尋源接上池崢嶸山文最雅畧不見諛辭

和仲常牡丹詩

并序

仲常良友氣溫而德雅余愛之重之未有擬之形容
爰因賦咏遂見賡歌故情之所鍾有不嫌於太切者
其詞曰

漢殿承恩早金盤薦露新色酣中省藥香重錦窠春儘

殿羣芳後誰辭載酒頻清如司馬相也作插花人

題郝氏世德碑後

故國非喬木雄藩有世臣河山盟帶礪勲業盡麒麟
白羽沉蛟匣青雲滿後塵雅歌平日事遺愛在斯民

草昧經綸際恩威見郝侯功成韜將略德洽配汾流
金甲春農野黃雲畫角秋哀榮何百世千古仰山丘

八月十二日夜病不能寐步月達曙

官事未易了癡兒昧獨勞病多和夢異蛩若為秋號事

業青燈苦星河紫極高帝城人海裏沉沉一漁舸

大行皇帝挽辭八首

至元三十一年歲次甲午正月廿二日癸酉夜亥刻
帝崩於大內紫檀殿既殮殯於蕭牆之帳殿從國禮
也越三日乙亥寅刻靈駕發引由建德門出次近郊
北苑有頃祖奠畢百官長號而退臣惲職在詞館追
思不已作挽辭八章庶幾弔湖攀髯之意其辭曰

凜水龍飛日長楊羽獵時天顏凡五見雨淚遽雙垂化

日中天赫陰靈萬國馳何由知帝力耕鑿樂雍熙
晏駕絕經宿憐車出建門千官紛雨淚六御迅龍奔雲
氣蒼梧遠天山禹穴昏依光瞻日月頌德滿乾坤
威破羣雄膽恩藏四海心聲明三五盛垂拱九重深國
論多儒斷天機入睿臨小臣務面血無路洒松林

聖神由廣運纂述到無加禹甸逾輪廣殷邦極靖嘉尊
臨三紀久遽涉九天遐白首金鑾舊長號自倍嗟

端月辰臨酉淵衷弗寤興紫垣逢彗孛杞國駭天崩法

從嗟何及朝臣痛不勝聖靈知在上春草認封陵

去歲回鑾輅旌旌擁萬靈今春辭畫翥劍閔泉局黼

宸虛瓊島雲龍慘帝庭

是夜殿庭有光若燈燭然良久方散

詞臣思補報

淚濕簡編青

論治方堯禹求賢到釣耕民謳無二上廟算有奇兵萬
寓風烟靜中天日月明小臣思頌德終了是強君

帝系三宗上麟經一統尊火盤承正據虎落入雄吞窮
楚南交獸奔騰北海鯤不教擒一索遺恨付皇孫

題冀州馬同知拜慶詩卷

嬰鑠征南將忠勤為國知任官無調轉享壽到期頤錦
爛行春里香生拜慶詩眼前蘭與玉又見福生基

秋日下直玉堂

下直玉堂廬閑拖過市車秋風殘暑候積雨暮涼初撥
置難行事尋看未見書萬緣前已定不樂復何如

餞安南國王弟回鄂渚

萬里朝天道歸軒寓武昌觀光吳季札助順漢閩王寵

渥心逾赤新詩桂有香庾樓回首處秋月興尤長

雪夜聞鐘元貞元年冬無雪十一月廿一日夜

大雪喜而作此

雪屋青燈夕踈鐘定夜鳴撞餘周遠韻聽久喜雙清爐
火留孤坐茶鐺待一烹已眠猶未寐詩向枕邊成

王氏拜慶詩

并序

集賢大學士王顥太夫人張氏元貞丙申壽八十有
八視聽聰明起居康健剪製纂組之事老猶能工正

月十四日蓋生辰也中書右丞張公以外堂拜禮義
重諸人前期誕彌啓之太母特召見宮閣存問再四
嘉其賢淑留讌賜幣下暨二孫皆霑寵渥明日翰林
諸君相與奉觴上壽百拜獻詩猥當卷首

九秩康寧壽親承燕賜恩香融彤管煒春滿綉輿溫世
與名郎孝天全五福尊珮環聲合度清響徹宮門

賈仲和慶八秩

君前宋魏國文元公遠裔其家
世備見遺山所撰千秋後錄

太史徵文獻陰功滿諫章諸孫宜曼衍八秩見康強孝

義閭東魯簪纓慶北堂千秋遺錄後奕葉又生光

慶閭庭直壽母詩

洗髓黃眉壽儀尊五福全雍容班母訓瀟洒謝庭仙致
樂孫能養居官子更賢霑恩行有日香重誥鸞牋

送喬元明

疆理初無外乾坤大統齊漢恩同一視星鳥望中低海
甸沉銅鼓天書坼紫泥皇威能遠暢歸旆拂雲霓

榕樹

南來過劍府嶺岸樹多榕繳結如蛇蚓堅凝比栢松葉
芽生挺代陰影散芳濃鶯羽羣飛日凋零却是冬

五言絕句

贈高邑趙教諭

坐久槐花落黃金滿石牀一林春露冷情話不知長

冬藏和曲山詠懷嚴韻

吾道有污隆人情逐冷暖自憐心事佳不覺天機淺一作

克教俗意無
任使天機淺

貧居固鮮歡漏盡行當止只有苦吟心時時為商起
巨鈎釣鮮鱗其勢兩難着何當掩長圍為君獵鱗脚
却掃吾未能人事日復日泛愛聖所稱亦復論損益
才疎詩倦吟年老酒當止君看古井波澄湛自不起

安坐

此心與天游老我無繫着坑頭有春溫安坐收兩脚

讀史

紛紛世利塗翳翳桑榆日賢哉向長心一損勝三益

咏梅

折來何處梅自掇孤根暖寒花本強顏風味定不淺

己亥歲門帖子

不羨陶朱富非悲阮籍窮愛君思道泰憂國願年豐

跋呂友扇頭

井道養不窮濟人非望報過飲投青錢取廉非正道

秋雲自激

行雲映空明掩姸姸飛輕縠風吹不成雨日落空相逐

夢中得

燈殘細暈黃月落孤窓白惡夢不成眠幽魂驚撇捩

望淮

朝日慘無色昏昏水氣間到淮猶數里隔岸見尖山

夏夜

庭竹影扶疎清風晚騷屑夜涼人未眠卧看窓間月

出門

東風吹陰霾朝來晴霽開放眼門前去青山城際來

雨後看山

西山色蒼蒼雨後如新沐
天高晴意寬歸雲滿巖谷
夢中得

持酒濯利劍青蛇光黯然
金鞭鞭駿馬汗血沾錦韉
喜雨

癸丑六月旱草木變萎黃
夜來聞雨落起舞亂登床
秋夜

西風入庭樹掩冉衆葉鳴
幽人不能寐愛此秋雨聲

中秋制中對月

露冷庭梧墜天高月影長清光不堪掇和淚濕衣裳

披襟

涼風東北來蕩盡中夜熱起視河漢星微雲淡明滅

秋澗集卷十三

欽定四庫全書薈要卷一萬六千一百七十

集部

秋澗集卷十四

元 王惲 撰

七言律詩

哭劉房山

紫髯山立蔚揚休書學推君到晉流文塚氣嚴驚卧虎
墨池星黯失蟠虬眼中人物嗟何及身後珠璣散不收
我擬九歌投濁浪重傷我道轉悠悠

中秋月

夏苦蒸雲歲晏霜月華還覺此宵良
天容澄徹銀池沒
桂影飛來海氣涼
老魄不應秋更苦
賞心多為事相妨
一杯儘吸清光了
洗我平生芥蒂腸

送王嘉父

新知雖樂道
彌親尊酒燈
前便故人時
宦儘從閒處
着
浩歌還愛醉
時真紅蓮幕
府名無隱春
草池塘句有
神
恨煞百門山
下水錦波流
不到東秦

一見襟期倍所聞
霧崑玄豹隱
奇文清樽皓
月應無幾

赤日黃塵遽爾分濁酒可因微恙止天葩寧為舞裙芬
百年湖海論文地興在江東日暮雲

和靖教授送行詩韻

出處初心度義行蒼天誰識此精誠十年載質孤懷苦
一宦縻人敝屣輕時事失身驚破釜幕蓮晴闕媿參卿
夢歸夜夜栖巖桂猿鶴無勞久怨驚

秋日言懷

雨後秋堂早暮涼竹風飄蕩藥塵香身閒正坐詩成癖

親老何堪病在牀書卷日隨秋草亂壯心愁入野雲蒼
摩挲老鏡蓬窓底也效樊川洗鬢霜

清明日錦堤行樂

浪說蘭亭禊事修年年春好錦堤游花翻舞袖驚歌板
柳隔高城暗酒樓綠樹恐因春事老金鞭重為使君留
竹西路晚歸時醉何處珠簾半上鉤

八月十九日雨晚晴

積雨收霖景氣清物華雖老覺容平閒雲知倦爭歸壑

飛鳥趨林不計程山偃翠鰲驚突兀天浮圓蓋失枝撐
化權舒慘吾何預要擬樊川賦晚晴

上史節使晉明壽

尚父忠勤歷五朝承家又見鳳遺毛神鋒洒落青冥濶
秋隼騫騰華岳高治化澄清遵定法德容充擴浹吾曹
年年畫戟清香地常對秋香醉露桃

南城納涼晚歸

書院歸休日已曛南城風細晚相親坐來近市喧初息

歸到衡門夜向分
矮榻趁涼欣稚子
疎燈留影伴厨人
一盃粥了從高卧
須向閒身等策身

七夕立秋

庭竹風生好雨過
碧梧飛下鳳凰柯
人間一夕驚秋早
天上雙星恨別多
鈿合蛛絲遺暗網
綺樓雲影淡明河
柳州羨煞天孫巧
其奈微生賦分何

涼夜

祝融怙權不肯退
一夕好風吹暑回
雨氣淡從雲尾散

秋聲涼自樹頭來
渴腸夢濯西江水
逸氣欣逢北海杯
憑語蘭臺宋公子
莫因雲物詠悲哉

八月十一日夜坐

輾轉秋懷鬱不平
憮然方寸若為驚
學疎久昧天人理
親老尤深喜懼情
坐對燈花供笑語
近聞庭樹散秋聲
大家但使康強了
未害窮愁老此身

雪晴望

滑滑春泥雪意融
出門藜杖任西東
光風漸好茆簷喜

烟火全疎傳舍空三穴既能容狡兔五噫誰復羨冥鴻
更為着眼登臺處頗覺江山王氣雄

題何鍊師巨川虛白菴

西風吹下鏡湖船來作空山避世仙採藥遠辭滄海上
結茆歸老白雲邊鑑光應物元無物素質能玄本不玄
莫遣碧桃溪畔水暗香浮出洞中天

鵬雲蹤跡亦垂天收斂多歸一室間塵境夢空神已止
松巢枝穩鳥知還潭心映月清無滓谷口行雲意自閒

想得翠蘿幽隱處天風和水瀉空山

太康展江亭

籌筆規模蓋世功新亭高構繼遺風
乘秋閱武邊聲靜臨水投醪士氣濃
騏驎纔聞空塞北樓船行復下江東
殷勤淮水東邊月幾照元戎坐折衝

送紫陽歸柳塘

掛冠神武急趨裝歸隱秦中舊草堂
海內共知元氣在井邊已仰德星光
眼明華嶽蓮峰翠路入函關草樹黃

預為山林報歸日綠楊陰合鄠南庄

送蕭四祖北上

丹鳳銜書下紫庭秋宵光動少微星蒲輪再起秦遺逸
天意將新漢典刑長策正勞黃屋夢故山從使白雲扃
中原有幸經綸了天外高鴻本自冥

上庫庫學士

六轡連翩走使車繡衣風采漢相如紛紛漕計歸鞭策
戀戀丹心在帝居折節不知軒冕貴濟時行奏便宜書

從今慰却蒼生望一點文星照玉除

壬子夏六月陪蕭徵君飲方丈南榮同會者烏

大使正卿董端卿經歷學士圖克坦雲甫張提點

幾道王秀才子初洎家府君小子憚隅侍席末云

修竹脩脩風滿廊夜深樽俎得遺涼浩歌聲繞銀河水
畫燭光凝燕寢香雪蟻十分浮大白德星一夕聚高堂
停杯更待東山月要吸清光洗肺腸

送王子初東行

岱岳西南碧海東，青齊中據震維雄。
驚猿別鶴休增怨，詭觀奇蹤得盡窮。
劍暈寒輝騰寶氣，馬搖金蹀健秋風。
欲知別後相思夢，多在西山紫桂叢。

杜君美耕隱堂

厭喧恥向市朝居，歸隱南城舊草廬。
黃葉落時農事隙，青燈明處夜牕虛。
寫懷草就凌雲賦，貯腹看殘種樹書。
翠竹白沙村路晚，月明幾駐故人車。

春懷和摩和納坦夫韻

茆屋春深懶閉藏出門藜杖獨相將春光暖透芝蘭谷
風色妬殘桃李腸論政舉知南國弊賦詩休詠北風涼
浮雲軒冕非吾事擬訪無功覓醉鄉

雨中與諸公會飲市樓

每恨人生會合難興來一醉盡君歡雨沾翠佩簾花細
酒凸金杯飲興寬胡舞旋低翻翠袖串珠喉穩怯春寒
朝來酒醒蓬牕下依舊春風背荷盤

秋漲後晚訪王柔克書舍

種柳堤邊起暮吟黃金不傳百年心垣墉傾圯水初退
門巷蕭條秋向深但遣歌詩酌野逸儘隨鄉社共浮沈
鄰牆酒美中秋近明月柴門約重臨

報子初以書見慰

擁鼻吟成嘆索居眼明驚見故人書邊城秋靜沈寒柝
畫戟門深曳翠裾契闊祇應分一水笑談曾不廢三餘
答君不忍虛來意呵筆裁詩雪滿廬

春望

黯淡春雲雨意微
小樓孤影立斜暉
書能引睡聊遮眼
酒可驅愁任典衣
桃蕾有情含笑發
雁行無力拂雲歸
倚欄不盡登臨意
獨對東風咏采薇

冬夜坐

虛堂人靜鼠窺燈
霜葉蕭蕭散雨聲
睡眠看書渾勉強
夜窻得月喜虛明
漫漫長夜何時旦
悄悄孤懷百慮橫
到底麤冠男子事
幾回投筆壯班生

砧帟

鵝溪蠶繭太豪華新帟蒙茸隱細紗不惜秋砧聲夜杵
要翻新法自吾家搗雲楮散光舒練拂散龍煤字點鴉
我錄詩書何所事擬尋源委泛靈楂

夜歸

月波環暈晚風淒賓館歸時獨杖藜曲巷門深驚剝啄
小樓燈影自高低歸心有限先回鴈世事無心類木雞
淡蕩春風二十八忍將書劍坐羈棲

壽周都運

劍佩龍樓顧遇頻
漕臺今復試經綸
平生許國丹心壯
此日承家玉樹新
德量潤涵淇水遠
壽杯光動紫川春
朝天好在明年日
金印重看拜伯仁

秋雨有懷呂丈子謙

賓館光陰一歲中
飄蕭吟鬢感秋風
久諳世事無多味
靜覺書編有細功
四壁夜蟲秋思苦
一窓寒雨客床空
對眠不見蘇州守
縱有新詩愧未工

壽王參謀二首

郁郁卿雲霽士林不應止作一方霖無媒致位寧私已
有子傳家足慰心中卷在庭公事簡壽毫浮綵蟻罇深
非詩莫頌千春德喜對梅花入細吟

典麗風流漢表儀一方春物自熙熙謝公雅量推平昔
楊震高風到四知畫戟清香凝燕寢東山春酒照芝眉
政成不獨褒金爵賢守恩波在鳳池

贈元仲一書記

名寓緇衣行碩儒蒲輪却走事巖居萬緣擺去聊乘化

一念深來為讀書黃閣經綸宜自重青山談笑未全疎
相望未入廬山社日暮碧雲思有餘

和仲一詩韻

世事紛拏八九違未容丘壑淡忘機須知霖雨思賢佐
終擬卿雲捧日飛麟閣勲名驚壯節虎溪公案覺前非
會看杖策軍門去滿眼行山空夕暉

娛志詩書不厭貧蟄龍冬卧不求伸應憐擁簪侯門下
何似行歌澗水濱沙鳥忘機還自樂池蛙睜目欲誰嗔

悠悠物理吾難料會得摳衣問上人

送百德正臣之汴梁

君璋序裏仰高懷賓館相逢一笑開過眼摠非如意事
咏詩時遣不羈杯人驚駿骨空燕市夢逐秋風上吹臺
去去當途足知己未應空使劍鋒摧

贈王脩甫

樊川風調錦囊詩邂逅青樓豁所思得酒愛澆吟舌健
放談時露劍鋒差香翻月戶情難極風入庭梧鬢已知

過眼紛華終寂寞望君冠蓋鳳凰池

挽趙父師提舉

走馬南來及撫棺磨礱空使憶當年師資有道無虛飾
賦業推公得正傳黃鳥此時空止棘青藜何處伴談玄
緬懷壽德宜無憾可忍羈魂似粵阡

送盧叔賢之鄧州

萬里風雲入壯懷斗南人已識奇材重看綠水開蓮幕
宛勝黃金築隗臺鈴閣風清談麈靜星旄煙暖漢旗開

後期竚聽平安報定逐梅花驛騎來

壽王子初

彩鳳高翔欲覽輝十年書史董生帷持心不為紛華奪
尚友常先遠大期內富經綸隆事業外涵風雅養詩脾
赤霄玄圃春風信百歲相期拾紫芝

自適

旋収栢實炷爐薰紙帳低垂自有春竹几隱眠無俗夢
蒲團容膝勝華裯窓間白日驚濤迅門外黃塵萬事新

幸與聖賢相晤語未辭藜藿此生貧

登熙春閣

封丘門外故宮傍天閣空餘內苑荒瀛海夢空三島沒
帝城烟慘五雲蒼石鱣照水鱗猶動金鳳凌雲勢欲翔
奇貨梁園當日盡為誰留在閱興亡

哀故宮

掖庭依約粉垣丹行入荒宮重黯然華表忽驚人世換
昆明重見劫灰寒石龍委地埋秋草湖玉臨池倚暮烟

滿目悲風吹酒醒東華門外淚闌干

送趙相君北上

漢旆當年入汴州布衣曾此識君侯
夏盟自列葵丘會驥馬空騰瀚海秋
萬里風雲橫寶玦九天名姓動金甌
南遊正值朝天去望斷春風五鳳樓

登凌雲閣

布衣塵滿戴儒冠風袂來登上將壇
棟藻雲飛朱拱濕簷牙霜重玉梯寒
風烟遠勝籌邊迥氣勢雄吞汴水乾

經畧江淮有成算不須重展地圖看

送王子初之鄧州

東風霽雨泛晴光桃李爭妍出短牆春意似留行客住
陌城多釀燕泥香三盃別酒清明後滿眼春愁錦瑟傍
一曲劍歌心事遠綠波南浦未應傷

送郝伯常歸堡塞

書劍南辭祀國天一歡傾倒酒鑪邊鳳麟瑞質驚千古
江海詞源浩百川吾道莫傷今日否新文將付後來傳

驪駒歌斷青山暮愧未嘗遊從馬遷

贈李幹臣

少年心事便挈雲不着清談解世紛自得士元參別駕
彊摧伯比具張軍一江夜雨供吟筆萬里征鞍逐雁羣
蚤晚春風笳鼓地更看詩壘策奇勲

登資聖閣

傑閣當年瑞靄氤亂餘金碧半塵昏豈知象教移中土
猶揭雄名護國門法界冷沈梁苑月寶香難返汝陽魂

傷心五嶺騰烟語舉世從風莫與論

跋西蒲老人燕處圖

甫脫孤城百戰危蒼茫何處跨鯨歸百年有感悲風樹
一旦無依足孝思遺像儼然留故事寸心聊擬答春暉
遠游刺袖如瓜棗海岳相逢會有期

上史相君壽

麟閣勲高誓不磨戟門春靜雀堪羅盟高踐土尊王切
恩義河南受賜多好學世推同杜預薦賢人道過常阿

稱觴何限輿人頌細逐春風入凱歌

過楚卿子冠軍宋義墓

乙卯春三月予東如大名道出內黃鎮有廟在民居
之南曰項王廟廟之址即卿子冠軍宋義墓也且以
往昔墟墓間恍惚事來告予甚鄙焉獨於義之死有
所感焉噫義奇士也初武君舉兵渡淮而西城攻野
戰勢若破竹義之力居多及師入定陶再戰而再勝
也見梁志滿氣驕識其奪魄後值崩潰果不踰素義

可謂深知兵矣至羽請師救趙執以不可觀其籌畫
號令攻取先後之方誠上將之畧惜不使差肩三傑
北面以事高祖反區區委質天久厭之楚與羽並驅
爭先西向以舉虎狼之秦何其不幸者哉雖然方秦
之失鹿也羣雄蝟起以蛇為龍者不可勝計布衣皇
皇之士能明目識帝王之真而歸之者盖有之矣誠
未易一二數也至若淮陰韓信陽武陳平一旦起而
盡為楚用初且不知天命集漢而後卒歸於漢功業

如此幸也嗚呼假天假義年晚脫身項氏策杖以歸
真主其功名當代縱不能廁三傑之列未至與噲等
伍耳嗚呼義何不幸也哉義何不遇也哉因作詩以
弔并著予之感云

老項捐軍勢已孤擣秦遺趙見雄圖奇才惜不遭龍準
赤手爭教將虎鬚日月不為荊楚計干戈空為漢家毆
因君重起無依嘆羨煞中林得止鳥

元齋

生平襟度玉無瑕，天馬精神出渥洼。
北海樽罍無暇日，德公賓主到通家。
山高仰止人皆慕，齋用元名意匪誇。
教子以經平日事，不應遺實取其華。

過朝歌

山勢西來擁廢宮，荒煙回首接南鄘。
緬懷藝祖初經野，忍見狂童到覆宗。
野水作聲知客恨，幽花含露為誰容。
千年快意商郊戰，流謗爭教有闕克。

銅臺懷古

都邑盤盤據四衝登臨形勢覺天雄
歌樓聲響春風細綺陌香銷寶氣空
笑看孱王承宋弊至今奸孽擅唐終
憑高誰識神州恨付與衡漳日夜東

佑德觀早起留別道人陳彥達

碧桃花露濕衣涼宿酒醒時夜未央
浩浩市聲喧曉枕搖搖星影入虛堂
春風醉袖愁分手秋雨吟燈約對床
後夜月明東北路呂安歸夢半嵇康

望東北方書半
空嵇康字兩行

寄蕭茂先

飄蕭襟韻恥吁嗟
醉裏青衫兩鬢秋
通介不隨流俗轉
清貧當向古人求
城居貴似玉川子
鄉思空懷馬少遊
蚤晚臨漪亭畔月
一尊重為紫髯留

晚菊

竹瘦松枯怨歲寒
為誰含露發幽妍
早花儘秀開何益
晚節能昌固自賢
採擷落英悲楚客
破除秋色靜斜川
不辭潦倒東籬下
桃李成蹊世舉然

聞詔

灋水蒿呼萬歲觴綸章飛下紫泥香九天空有風雲夢
萬國爭依日月光草木變衰元氣活乾坤開霽老陰藏
兩都耆舊欣相告四十年來未省嘗

陽穀道中有懷黃石公事寄呈敬齋姚公

雪齋請益初心在東郡趨庭宿願償黃石有書開帝業
布衣無地着恩光自慚國士思圖報敢暴孤懷不自強
巾卷在庭循誘際佩懷言行愈難忘

趙御史挽章

振藻儒林起趙宗殿前一賦已摩空筆參造化陽冰篆
氣屏權豪御史驄養老正期來祝哽招魂何意入新宮
影堂一拜情蕭慘瑞露香殘翠竹風

上王翰林

白衣如鵠禁闈春九萬曾搏北海鷗獨翼龍顏潛代郎
親承雲錦織天孫兩朝耆德尊元老千古雄文說赦恩
寂寞黃金臺下客詠歸心久在龍門

夢受庭訓其中領頸二聯蓋先君之意云

老月驚風夜色蒼
羈魂明墮几筵傍
音容恍對如生在
教戒無多止義方
芝歎似傷時祭闕
松楸應念墓田荒
牽衣未畢城烏起
晚枕縱橫泪幾行

贈孟文伯

秋月堂深劍履寒
相逢一語破春顏
心君意豁驚囊穎
豹體文奇見霧斑
孤節共高殷侑壯
片言誰拔子卿還
笑拋燭影金釵夢
長繞天墀十二間

壽姚宣撫

咸池朝日覩離明羽翼功高見老成
相體共推安石雅襟期全得伯夷清
黃金眼冷燕臺望赤羽心馳魏闕情
鄭重一杯千歲酒調元消息在新正

周仲寅處覓貂帽

炙手權門已強顏
蒯緱未免向人彈
晨鐘聲裡霜侵鬢
蘭省臺邊雪滿鞍
貂帽擬從公子覓
客床應念廣文寒
何當花影烏衫側
一笑春風拍畫闌

邢夫人拜慶詩軸

對君如讀開元報歷歷聲明見典刑欸曲每憐名父子
顧瞻疑是老人星一言楚獄陰功厚百世名談汗簡青
濱海歸來非我志春江乘興看浮萍

鎮州懷古

趙武雄圖不可尋風烟東接九門深炎涼到此分南北
戰伐無情自古今彈躡流風猶戰國椎埋遺俗帶燕音
劍歌不遇平原客落日滹沱動旅吟

祇謁昭烈皇帝廟

一劍功成百戰場三年章武事堪傷
力扶漢祚圖燃燼規取劉璋出侮亡
若論託孤徒啓篡試評含泣到分香
秋風一掬宗臣血五丈原頭落日蒼

燕城書事二首

都會盤盤控北垂當年宮闕五雲飛
崢嶸寶氣沈箕尾慘淡陰風貯朔威
審勢有人觀督亢封章無地論王畿
荒寒照破龍山月依舊中原半落暉

朔風千里捲孤蓬斗酒難澆硯石甯
清濁滄浪知自取

蒙茸狐服竟誰從
燕臺坐老黃金客
甲第爭高白玉鍾
撥土便成千尺榦
露恩初不負崑松

望西陵

漳川北岸望西陵
馳道東連講武城
將畧有餘開戰伐
墓碑無謂自題評
一棺何在彌天力
九錫徒誇盜漢名
千古遺墟冷烟底
定軍山樹拂雲平

牧野道人

野人川浴振裳衣
況接恩波沐鳳池
莫訝出門何刺刺

須知去國自遲遲河橋飲餞無千騎文物聲明又一時
有淚不揮離別際西風空送雁行悲

奉送平章趙公赴闕庭之召少答省檄見招之
意云

龍旆南還沸捷音漢臺凝望幾登臨洗兵未用挽天漢
入夢應知有傳霖暖日晴消青海雪春風重掃黑山陰
君王若問來歸策為說虞皇待象心

贈鄉先生韓義和

草服黃冠玉練顏一壺天地市朝間
飄飄野鶴雖無繫戀戀鄉情尚未慳
幽睡不妨紅日晚青山誰似白雲間
何當一劍飛空去好為留題過故關

送常道人子明

道士何心作羽流擇音應避物為仇
冷風身世三千界碧落仙居十二樓
無地可留雲表舄有懷終結竹林遊
因君喚起西遊興滿眼太行黃落秋

送劉同知還鎮陽

幾人襟韻似君侯
潘岳閒居賦遠遊
白雪高歌南郢重
壽山長路太行秋
隱居正有千林玉
濯足何須萬里流
一曲驪駒頓丘北
碧雲零落使人愁

為王朝顯贈梁邦傑兼簡郝勸農

漳南客子王朝顯
日暮塗窮仗友生
今夜遠披回沁水
傍冬索米入共城
千金諾重河東守
一府蓮香白壁卿
詩藁不須詢幾束
溪聲山色揔關情

和幹臣令晨所見

庚金乘火勢相高一夜秋風散鬱陶氣錯不調伊摯鼎
雨冥空續楚臣騷人占樂歲無遺慮我覺天刑未可逃
除治菊荒還寓目青山城郭九回遭

大風

六合塵沙一混同羣龍無力障驚風旱乾到此誰歸咎
天道從中見蔽蒙詩枕夢驚茅屋破山林春老綠陰空
雄文便擬昌黎訟九虎當閣未易通

雨後草堂即事

駭浪崩騰點額餘歸來縮首伴沈魚門從席後軒車少
鬢自蒼來酒琰踈坐掩殘書懷苦節自鋤明月種秋蔬
隣人共指揚雄宅只有兒童來喚烏

挽李子文

一丘宿草縣城東前日花時杖履同白壁不埋連邑價
青燈空負十年功鵬來近舍傷君去麟出非時見道窮
修短偶然吾適值不須作賦問天公

初從拱把見凌雲天意栽培似厚君大厦如傾樑棟在

神交遽爾死生分
白駒空谷歸何處
夜雨他年不忍聞
吾道已窮來者替
兩行清淚為斯文

絳帳絃歌日沸闌
去煩從簡屢為言
自春卧病無三月
一死埋魂入九原
桂實未霜驚早落
鳥聲解語惜空喧
東門最是傷心地
老父哀號血洒轅

五年六月初八日夜夢遺山先生指授文格覺
而賦之以紀其異

分明昨夜夢遺山
指授文衡履約間
道必細論能出理

文徒剽竊亦何顏
江流不廢驚千古
霧管時窺得一斑
落月滿梁清境覺
紫桐花露濕銀冠

夏日南堂即事

一雨清涼恰四朝
霧絲縈戶見蠨蛸
病因戒酒成真止
辭免書門絕妄交
道拙尚憂兒隊主
家貧且喜稼盈郊
閒庭綠蘚泥融遍
燕子飛來補舊巢

同幹臣讀漳濱唱和詩軸

草堂舊雨記相尋
細嚼漳濱唱和吟
白雪調高雖寡和

朱絃聲邈有遺音
犀寒蒼者奇逾出氣奪元胎理更深
一洗向來箏笛耳坐聽三峽瀉瑤琴

高山仰止為千尋
更對佳人與細吟
藝絕六鈞俱破的
調高千古得知音
靜藏脫兔無窮變
法比滄溟不自深
客去洒然心境寂
滿軒秋氣入絲琴

謝人惠瓦甌

老雨崩崖為爾開
野人携贈入芸齋
埏陶有意成三代
奠獻曾經備兩階
上擁圓坑蹲野鶴
中橫皤腹怒池蛙

鈎深免汝居危地時插秋香慰老懷

六月初七日夜雷雨大作

落日山雲擁蓋幢二更雷起雨翻江六丁怒瀉銀河水
千杖齊敲羯鼓腔耕墾握苗秋有望炎官收傘夜深降
一犁聞說西江上蚤晚龍移似老龐

和幹臣韻

雲漏疎星不滿天坐來風雨黯西山百憂鯨鬣翻滄海
一喜涼飈入白閒蜚不成災休紀異暑雖初伏暫知還

雨傷旱損俱咨怨讀罷君詩一破顏

雨後出門言懷

壯年抵死別猶薰老去收藏省一身祿不妄干時有待
道從深探理彌真充腸有薺固云苦舉目無塵可污人
洗我胸襟間塊磊門前秋水碧粼粼

萬書叢裡自陶薰浩浩堪輿寄一身樹靜蟄坯存夜氣
鳥飛魚泳見天真學從踐履安天命世要經綸有若人
林下幼安應未老且教雙足濯粼粼


和幹臣雨晴出郭之什

飲散公庭樂亦陶西河乘興喜同遨
河神偃蹇誇秋水山翠空濛上鬢毛
乍脫城居驚眼放縱教詩思與秋高
鴻飛燕集隨時處誰羨傭耕隴上豪

秋澗集卷十四

謹按卷十四第五頁後六行庫庫舊作濶濶今改後倣此
六頁後八行庫和納舊作木忽今改





總校官進士臣胡 榮

校對官學正臣卜維吉

謄錄監生臣戴 璵